

Nioqqutissanik eqqussuinermi akitsuutit pillugit Inatsisartut inatsisaata allanngortinneqarneranik Inatsisartut inatsisaat

§ 1

Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, kingullermik Inatsisartut inatsisaatigut nr. 8, 21. oktober 1998-imeersukkut allanngortinneqartumi makku allannguutigittinneqarput:

1. § 3-p kingorna ilanngunneqassaaq:

"§ 3a. Nersussuit aamma puulukit nujuitsut neqaat ilivitsut aamma affat nioqqutissat allattorsimaffianni 0201.10.00-imi, 0202.10.00-imi, 0203.11.10-mi aamma 0203.21.10-mi allassimasut, suliffeqarfinnit neqinik agguinissamut akuerisaasunik atortorissaarutilinnit, neqit aggoreerpata tuniniaqqinnissaat siunertaralugu eqqussorneqartut akitsuuserneqartussaangillat.

Imm. 2. *Imm.* 1 naapertorlugu aammattaaq akitsuusiiffiqineqassanngillat ingerlatsiviit neqinik agguinissamut akuerisaasunik atortorissaarutillit, neqillu aggorneqartut ingerlatsivimmit taamaallaat atugassaappata.

Imm. 3. *Imm.* 1 aamma 2 naapertorlugit neqinik agguinissamut atortorissaarutit, inuussutissalerinermut inatsisit atuuttut naapertorlugit Avatangiisinut Pinngortitamullu Pisortaqarfimmit akuerineqartussaapput."

§ 2

Inatsisartut inatsisaat ulloq 1. januar 1999 atortuulissaaq.

Namminersornerullutik Oqartussat, ulloq 30. oktober 1998.

Jonathan Motzfeldt

/

Daniel Skifte

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut